



Kraj kulturnih dešavanja u **općini Cazin** za 2009.godinu, obilježen je postavkom izložbe „**Dokumenti vremenu**

“cazinskog slikara

Husnije Topića

. Već nekoliko godina ovaj vrsni krajiški slikar nije izlagao u rodnom Cazinu pa je ovo bio posebno pripreman događaj. Riječ je o djelima slikara i profesora koji su istinski dokumenti vremenu i prostoru, spoj prošlosti sa sadašnjicom.

O djelu Husnije Topića govorio je akademski slikar Ahmet Ibukić koji je naglasio da je Husnija uglavnom inspirisan poznatim likovima krajiške epike, odnosno nečim što je vezano za Cazin, Cazinsku krajinu i Bosnu.

Sam Topić nije krio zadovoljstvo što se upravo njegovom izložbom završava kalendar kulturnih dešavanja u 2009.godini i otkriva razlog zbog kojeg se postavka naziva "Dokumenti vremenu": "Uvijek se historija ponavlja, odnosno ono što je bivalo u jednom vremenu prenosi se u neko drugo vrijeme, može da se njeguje u tom vremenu ili da se ponaša u prirodnom skladu...Ova izložba i slike predstavljaju način razumjevanja svih događanja oko mene samog."

"Riječ je o našem vrsnom slikaru i umjetniku, jednom od rijetkih čiji kvalitet i prepoznatljivost ostaju konstantni i vremenski lako mjerljivi. Našem Husniji smo uvijek pružali nesebičnu podršku, što je rezultiralo današnjom dobrom saradnjom i međusobnim uvažavanjem", riječi su načelnika Ogrševića koji je službeno i otvorio izložbu.

{gallery}izlozba_husnije_topica{/gallery}